

Գ Լ Ո Ւ Խ Ճ Խ.

Ամենայն թուղթ պարտուց, դաշանաց, վաճառելոց պաշտօնատարութեանց հրովարտակ իշխանութեանց և այլն, պարտէ գրել 'ի վերայ թղթոյն տէրունւոյ որում ունի նշան գառին:

Գ Լ Ո Ւ Խ Ճ Խ Ա.

Ամենայն ոք 'ի յերեսս երկրին հայոց որ ունի գանգատս պարտ է գրել նմայ 'ի վերայ թղթոյ տէրունւոյ ձեռամբն ատենաբանի միոյ, և տացէ 'ի տունն դատաստանին աշխարհին իւրոյ, և դատախազն պարտ է պատասխանել նմայ, գրեցեալ 'ի վերայ թղթոյ տէրունւոյ. և 'ի յամէն կողմանց երկուս անգամս վիճաբանութիւնս, յետ այնորիկ ընդունեսցի վճիռս իւր 'ի ատենէ դատաստանի 'ի վերայ թղթոյ տէրունւոյ:

Գ Լ Ո Ւ Խ Ճ Խ Բ.

Ամենայն վճռոյ հատեցեալ 'ի յերեսս երկրին հայոց 'ի տեղիս՝ տեղիս իշխանութենէ դատաստանի ընդ հովանաւորութեամբն տանն հայոց, եթէ ոչ բաւականացի գանգատող և կամ դատախազ 'ի վճռոյն հատեալ 'ի վերայ իւրեանց, ազատապէս կարէ խնդիրս 'ի տանէն դատաստա-